

Tuhaajakhat Titirainit

**Nunavunmi Ikluliqiyiryuat Kuapuriissat taapkualu NCC
Hanavalliayit Limatit naunaitkutanik kaantulaaktut 166-nut
nutaanik ikluqpaghanik hanayauyughat ukiaghami 2024-mi.**

Iqaluit, Nunavut (January 31, 2024) – Nunavunmi Ikluliqiyiryuat Kuapuriissat (NHC) taapkualu NCC Hanavalliyait Limatit (NCCD) quviahuktut naunaiqhitiyaamik taimaa atiliqhimayunik taapkuninnga 2024-mi Ukiuq Tamaat Aviktuiyut Niuviqtullu Angirutait (hanayaghaliuqlutik-hanalutiklu kaantulaanik) hanayaamik 166-nik nutaanik ikluqpaghanik – 146 inuit ikluqpaghait 20-niklu havaktit ikluqpaghait – talvani 17-nguyunit Nunavunmi nunalaarnit.

“Aullaqtittiyyut hapkuniingga kaantulaanik atauttikkuuqtuq tautugumayainik talvanngat *Igluliuqatigiingniq* Nunavut 3000 illittuqhitiupluni aklivaalliqtumik ukiuq tamaat ikluqpaghat nutaat ihariagiyauqpiaqtut aviktuqhimayumi tamaat,” uqaqtuq Eiryn Devereaux, CEO-nguyut Angayuqqaangupluni Nunavunmi Ikluliqiyiryuat Kuapuriissanit. “Atauhiq ikkuaqtuutigivagait ikayuqtigiighutik angirutainit NCCD-kullu taimaa illittuqhitilutik akighalluanik maniutainut ikluqpaghaliuqpalliagutigiplugu nutaanik.”

Hananiaghimayut ukiaghami hapkunani nunallaarnit:

- Ikluligaaryuk (8-nik ikluqpaghanik)
- Kangirlugaapik (8-nik ikluqpaghanik)
- Salliq (12-nik ikluqpaghanik)
- Auhuittuq (6-nik ikluqpaghanik)
- Iklulik (20-nik ikluqpaghanik)
- Kimmirut (6-nik ikluqpaghanik)
- Kinngait (20-nik ikluqpaghanik)
- Kuugaaryuk (8-nik ikluqpaghanik)
- Qurlugtuq (12-nik ikluqpaghanik)
- Nauyaat (8-nik ikluqpaghanik)
- Pangniqtuuq (16-nik ikluqpaghanik)
- Mittimatalik (8-nik ikluqpaghanik)
- Qauhuittuq (6-nik ikluqpaghanik)
- Qikiqtaryuaq (6-nik ikluqpaghanik)
- Hanirayak (8-nik ikluqpaghanik)
- Sanikiluaq (8-nik ikluqpaghanik)
- Tikiraryuaq (6-nik ikluqpaghanik).

Naallugit kaantulaak akighaliik taimaa \$134,728,616-taalamik – taimaalu \$670-taalamik atauhiq itigak aktinianik aghuugtumik hanayut akighaigut.

2024-mi Ukiuq Tamaat Aviktuiyut Niuviqtullu Angirutait ilittuqhitiuyut aippaanik ukium angirutainik talvannqat 10-nik ukiunik aulayughamik ikayuqtiqiiktut angirutait NHC-kut

atiliqhimayait NCCD-kullu naatkutigiigahuaqhugit niuvigait ikluqpangnut manighiuriamiklu ihumagiyat inittiarimik talvanngat *Igluliuqatigiingniq*.

Hivulliqmi ukiumi, NCCD-kut hanaliqhimayut 150-nik nutaanik inuit ikluqpaghainik. Tamangnik ikluurutighat tikihimaliqtut, hanaliqhutiklu amigaitqiyani nunallaarnit. NCCD-kut hanavighaanik ininnuaqhimaliqtut 150-nguyunik ikluqpangnik 12-nit atuqtughani tatqiqhiutinit.

“Timiqutivut atuqpallianiaqhimayait Inuit-nanminiutainik Ukiuqtaqtumiuniklu pivighanik hanayaamik aimavighanik Nunavunmiunit Nunavunmiunut,” uqaqtuq NCCD-kut atanilluangat aulapkaiyiryuaq angayuqqaqlu Clarence Synard. “Taamna Nunavut 3000 Havaaghaq amihunik ihuaqtuniklu ilihaitjutighaqaqtut taimaa hivuliqtuiyaamnik hanavalliayunik ilihimattiaqtunik Inungnik havaaghaqarumayut hanayinit. Taimaalluaq, ihumagiyaqaqtugut taimaa Inuinnaqnik hanayiqariamik 30%-mik angirutaaqhimayaptingnit ikayuqtigiiktumik kaantulaaptingnit inuit ikluqpaghautainik taimaalu hapkua ihumagiplugit ilihaivalliayaamik havaktighaliuriamiklu Inuinnaqnik hanayit havaaghainit.”

Naallugu akighait taapkua *Ikluliuqatigiingniq* Nunavut 3000 Havaaghait taimaittuq \$2.57 pilian-taalat hanayaamik 3,000-nik ikluqpaghanik aviktuqhimayumi tamaat 2030-nguqtinnagu, ihumagiplugulu taapkua \$890 milian-taalat (35% avighugu) nanminilgit ikluqpaghait taimaalu \$1.68 pilian-taalamik (65% avighugu) inuit ikluqpaghainut.

Naunaittiarumaguffi hapkua mighaagut *Igluliuqatigiingniq* Nunavut 3000 Havaaghait, pulaaqlugu taamna <https://www.igluliuqatigiingniq.ca>

###

Tuhagakhaliat Turagakhaq

Ken Kolb
Aulapkaiyiryuannguaqtuq talvani Maligaghanik
Havauhighaniklu Parnaiyaiyut
Nunavunmi Ikluliyiyiyuat Kuapuriissat
867-975-7216
kkolb@gov.nu.ca

Clarence Synard
Angayuqqaanguyuuq unalu CEO
NCC Hanavalliayit Limatit
867-979-8913
csynard@nccig.ca